

**Protocol da la sezzüda dal Cussagl cumünal da lündeschdi,  
2 november 2009, a las 20.00, acta 37**

Preschaints: Jon Carl Rauch; Chasper Alexander Felix, Georg Salomon,  
Marianne Werro-Lehmann, Jachen Andri Schmidt e  
Rico Zini (protocol)

**Tractandas:**

**307. Protocol**

Il Cussagl cumünal approva il protocol da la sezzüda dals 19 october 2009, acta 35.

Protocol

**308. Orientaziuns**

1. Scoula ota pedagogica dal Grischun

Il rectur da la scoula manzunada aint il titul ingrazcha a la scoula da Sent per l'ospitalità datta a duos studentas da pedagogia (magistras in scoulaziun) our da las vals dolomitanas. Ellas han visità la scoula per survgnir ün barat d'ideas sur ils cunfins oura.

Orientaziuns

2. Proget zona per indigens – Allianz da las alps

Il capo orientescha chi's vaiva survgni raps tras da l'organisaziun "Dyalp" per la progettaziun da la zona per indigens. L'ultima transcha da lur vart nun ha pudü gnir datta, causa cha'l proget previs a Flüs nun ha pudü gnir planisà a fin ed effetuà.

**310. Permiss da fabrica – Seilpark GmbH – Tuor da glatsch – Sur En**

Sün dumonda da la firma Seilpark GmbH decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:  
- taxa da trattamaint: fr. 50.--
3. Il permiss vain concess per üna stagiun. Per l'on chi vain spetta il Cussagl cumünal üna dumonda da fabrica definitiva cun ün concept.

Permiss da fabrica,  
Seilpark GmbH,  
Tuor da glatsch,  
Sur En

**311. Planisaziun cumünala**

Il capo orientescha chi saja entrada üna dumonda per vulair forsa eriger ün affar (falegnameria) illa zona da mansteranza a Parnarsura.

Previss d'eira culla planisaziun cumünala da tour oura quella zona da mansteranza a Sur En. In vista a quista nouva situaziun as prouva da reponderar quella decisiun ed elavurar i'l rom da la planisaziun quella dumonda amo üna jada, forsa eir in chattond ün oter lö plü adattà. Andit da discussiun es eir danouvmaing il lö per üna zona per indigens e'l lö pussibel per üna zona per hotels.

Il schef da fabrica orientescha cha'ls 5 november 2009 haja lö üna sezzüda culs respunsabels dal chantun a regard lös pussibels.

Planisaziun cumünala

**312. Persunal cumünal**

1. Stabels cumünals

Il pedel da la chasa Misoch ha stuvü as laschar operar vi da la rain. El sarà causa quai per 2 – 3 mais absaint. Fin uossa ha surtut quista lavur Luis Ennemoser. Causa chi's douvra a Luis in avegnir per otras lavurs, decida il Cussagl cumünal d'ingaschar ad uras ad üna persuna chi pulischa per quel temp la chasa cumünala.

Persunal cumünal

## 2. Administraziun cumünala

Causa cha Men Werro cumainza sia lavur pro la pulizia chantunala a Scuol, decida il Cussagl cumünal d'augmentar il pensum da lavur da Patrizia Wieser per 10 % sün nouv 60 %.

### **313. Lö per defibrillatur**

Il Cussagl cumünal piglia incunter la spiegaziun dal capo a regard la necessità d'ün defibrillatur in tuot ils cumüns da la regiun. Il Cussagl cumünal es da l'avis ch'in baselgia füss il lö ideal. La baselgia chatta minchün, il local ais adüna temprà e la porta ais adüna averta. La proposta vain suottamissa amo al Cussagl da baselgia.

Lö per defibrillatur

### **314. Tschaina cumünala**

La tschaina cumünala ha lö als 18 december 2009 probabelmaing i'l Restorant Fontana.

Tschaina cumünala

### **315. Diversas schefs**

#### 1. Sauaziun

I vain remarchà chi sajan gnüts erets duos vascas cun gronds vierchels precis aint il traget da la pista dal sömme. Il Cussagl cumünal chatta cha quai nu's possa acceptar uschea. Quist fat es da far attent subit, nöglia chi capittan dons o dafatta accidaints. La chosa vain sclerida giò.

Diversas schefs

#### 2. Pista dal sömme

Il Cussagl cumünal vaiva decis da provar, da muossar via sün duos variantas da la finischiun da la pista chi pudessan exister parallel e chi nu pretendan investiziuns fich otas (Archas Sura sco fin quà ed üna giò Plan da Muglins). Ils cuosts implü per innaiver quel toc, han da gnir surtuts da las Pendicularas. Percunter surpiglia il cumün d'eriger üna finischiun da pista acceptabla per ils skiunzs.

Quista varianta dess vagliar per üna stagiun sco prouva.

Fin da la sezzüda: 23.00

L'actuar: